

TOUPA KIANGLOU KAW'H KA TAI DIA

JAMSON GUITE

Litung hinkhkua tomotel ahihman in a nuamthei bangpen a hiai hinkhua tomchik zat tuh mihingte duh-
thusam ahi. Khenkhatte'n duhduh ne-le-dawn a omna tuh hinkhua a nuamtheipen a zatna hi diing a
ngaihtuah ziak un Pathian phawkloou in hiai hinkhua saulouchik tuh duhduh nekna, duhduh dawna bang in a
zang uhi. Khenkhatte'n lah sum leh pai, neih-le-lam tampi suktuakna tuh nopsakna leh lungmuanna bukim omna
sa in Ekljiasti laibu in ana gen bang in naktak in huai diing in ana kizang ua, Pathian leh a deihdan bang hihiam
chih gel phalou uhi. Khenkhat te'n lah sa-utna a kibual a khosaknate a kipahna om diing sa in huaite a ana bual
uhi. Damsung a kipahna leh lungkimna lunggulh ziak a hiai bang in mihingte ana kizang sek mahlehang kipahna
leh lungnopna taktak ahon pekei hial hi. Piak naksang in lungkhamna tampi in ahon behlap zaw hi.

A taktak a gen in mihingte'n Pathian nusia in amah gamlat mahlehang a tawp a hon huh diing lawm I poimoh tuh Amah mah ana hi veve hi. Tamveitak Toupa apan a pialmang nung un Israelte tuh Jephthah viahawm hunlai in leng Toupa tung ah milim pathiante bia in khatvei ahong kial nawn uhi. A Toupa uh nusia in amah biak ahong topsan uh. Haksatna ahon tuahtak un a vazot uh namdangte pathiante'n a hunkhe theikei a, huaiziak in a nutsiatna uh Toupa kiang ah hong kikoukhia in nang ka Pahtian uh hon nusia in, Baal kana beta ua, na tung ah kana khialta, na ut tapeuh honloh in, himahleh tunzaw hehpihtak in hon hondam mahmah in chi'n a ngenngutngut uhi. Pathian hing pen nusia a milim pathian a biakte un ahaksatna uh dawnzang theilou ahihdan a theih mahmah ziak un pathian dang ana biakte tengteng uh koikhkevek in Pathian hing mah ahon benawn uhi. (cf. Vaihawmte 10). Israelte I gen mah bang in Pathian leh a deihnam thilte bang hiam chih ngaihsakloou in khovel ah khosasek mahlehang buaina leh haksatna topkhwak ka tuah hun in Toupa kiangloou ka zot diing a omkei diing.

Kipahnaleh nopsakna lunggulh in Toupa nuse in mundang ka zong kha diing. Lungmuanna leh lungnopna deihziak in ka Toupa nusia in adeihdan bang hihiam chih ka nelhsiah kha diing. Huchi ka hih leh Israelte'n a mangbat hun ua kuamah dang kiang hilou a anutsiatna uh Toupa kiang a panpih ngen a athum uh mah ka bang veve diing. Tapa taimang pa'n nopsakna lunggulh in a pa inn nusia in gam gamlapi ah ataimang. Himahleh a thilzon pen mundang, gam gamlapi ah a omkei a, apa inn ah a om hi. Nuamsa diing kisa in a pa apan taimang mahleh apa kiang mah ahong tungkiknawn veve hi (Luka 15:11-20).

Vualnopna, sa-utnate, hauhsakna sum-le-paite ah kipahna leh lungnopna muh sawm in ka Toupa ka taisan kei diing. Amah kiangloou kuamah dang, bangmah dang kiang ah ka lunggulh kipahna leh nopsakna bukim a omkei hi. Lungkimna leh kipahna taktak hon pethei tuh ka Toupa kia ahi. Juda ngei in leng a Toupa nusia in sum leh pai, khovel hauhsaknate ah kiphna ana delh mahleh a Toupa lou bangmah belh diing leh taina diing a mukei a a awklum maimah hi (Matthai 26:14-15;27:3-5). Ka Toupa nusia a mundang a kipahna leh nopsakna kazon leh zaw a top a Israelte bang a ka haksatna apan hotkhiak ka ut leh Toupa kana khialta hon hondam in ka chih hun hong tung thouthou diing ahi. Toupa kiang ka hon zotkikloouh tawp in leng lungnopna leh kipahna zong a Toupa apan taimang himah leng Juda bang in lungkhamna leh lungziina tampi toh sihna hankhuk lam ka zuan diing hi.

Jesu'n a thusinsakte ziak a anungzui tampi'n Amah akiheimangsan lai un a nungzui sawm-le-nihte kiang ah nou leng hon paimangsan sam na lunggulh uhia chia a dot lai in Simon Peter in hiai bang in dawng hi- **"Toupa, kua dang kiang ah ka pai diing ua? Nang tangtawn hinna pia, thu na nei hi. Nangmah Pathian' Mi Siangthou na hi chih ka gingta ua, theih leng ka thei uh"** (Johan 6:68-69). Simon Peter in Toupa kiangloou taina diing neilou kahihdan kichiantak ahon hilhta . Ka Toupa kiangloou mundang taina diing neilou kahihman in Amah ka nusekei diing. **"Huchi in, Khris Jesu tuh Toupa a pomta na hihziak un, amah ah om un. amah a zunkai leh lamtouh a om in; kipathu genna in dim un (Kolosate 2:6-7).**

Toupa kiangloou kaw'h ka tai dia???

CONTACT ADDRESS

Church Of Christ, Delhi,
Rz-2008/25, House No, 13, S.F.
Tuglakabad Extension, New Delhi-110019
Phone No. : 9953968807
email: khriissuangphum@gmail.com

'KHRIS' SUANGPHUM, A WEEKLY BULLETIN FOR THE MEMBERS
OF THE CHURCH OF CHRIST, DELHI, ON THE FIRST DAY OF THE WEEK'
website: cocdelhi.org

Enkaitu: Jamson Guite | Panpihitu: Kham Minthang | Jangthang

BIBLE CLASS

Class	Teacher
Adult	: L. James Guite
Inter.	: Jamson
Primary	: Suanching

Toupani' Thilpiak
[26/01/2014]
₹ -11,350

Tuni Biakna Hunzeek
[02/02/2014]

Thumna Hun-uk: Pauliansiam
Lapitu : Khamminthang
Thilpiak : Pauminlun
Theihgigena : Jangthang
Thuhilhtu : Nekkhothang
Thumna : Thangbiaklun

Kalnawn Biakna Hunzeek
[09/02/2014]

Thumna Hun-uk: Janglet
Lapitu : Thawnkhansang
Thilpiak : Thangbiakmang
Theihgigena : Thongginlian
Thuhilhtu : Jamson
Thumna : Pausiamlian

Kiginni Biakna Hunzeek
[08/02/2014]

Thumna Hun-uk: James
Lapitu : Khenpi
Thuhilhtu : Timothy
Thumna : Thangdouliau

Amun: Unaupa James inn
Pitampura.
☎ 9560885759

CHURCH OF CHRIST, NEW DELHI
FINANCIAL REPORT
January - 2014.

1. Opening Bal.	1,57831.32
2. Total Recv.	42,075.00
3. Grand Total	1,99,906.32
4. Total Exp.	25,718.00
5. Closing Bal.	1,74,188.32

DAMLOU

☞ Khakhat vel paita akipan in unaupa Joseph Suantak damlou, leisik theilou in lupna ngak in ana omden hi. Tun bel kalkhat vel paita akipan in pathei zekzekta hi. A hong hatpan theina diing thumna ah phawk hi hang.

THOUGHT OF THE WEEK

Na migit chiang in nang a dia hihhoih na hi a, na gtilouh lebel, nang kisuliam lel na hi hi (Paunakte 11:17).

*Thu Tuamtuam***ZINKHIA**

☞ Kal nihvel paita in unaunu Rosely Thiankim leh unaupa Ginliante'n Lamka lam zuan in honna zinkhiaksan uh chihthu zak ahi. Tukha sung ngei a hongtung kik diing ua lamet ahi.

BIAKNA PROGRAM

☞ February kha Toupani leh kiginni biakna program leng bawlkhit hinawnta hi. Unau kuapeuhmah in eimah copy diing kilakchiatni. Tan latheilou diingte'n a baihtheilam a program bawlte theihsak ngeingei diing ahi.

TAN HAWMNA

☞ Business meeting a thupukna dungzui in mohpuakna hiai bang in kihawm hi.

Evangelism Committee

Thongsiandong
Thangbiakmang
Khamminthang
Thawnkhansang
Pauminthang

Edification Committee

James Guite
Kamkhenthang
Thangdouliau
Jangthang
Thangbiaklun

Benevolence Committee

Janglet
Thangzalam
Thonggin
Pauminlun
Thongginlian

*Thu Tuamtuam***KIPANTA DIING**

☞ Ina taklatsa uh mahbang in Tuni in Bible class leh sunday schoolte khanih vel i khawl nung un kipan nawnta diing hi. Piching lamte unaupa **James Guite** in hilh diing a, a sinlai diing un **Kilakna** laibu mah hilai diing hi. Huan, intermediate ahihleh unaupa **Jamson** in hilh diing a, a mau leng kumlui a asinlai pen mah uh sunzom diing uh. Beginner-te ahihleh unaunu **Suanching** in Bible tang zilna, lasakna leh Bible tangthu hilh in hunte zat-pih diing hi.

THUMSAKNA OM DIING

☞ Tuni biakkhawmna zoh chiang in kumthak a business vaipawte thumsakna leh hasotna om diing hi. Unau kuapeuhmah in poimohngaih in i telkim chiat diing uh.

MEETING OM

☞ Zan kiginni in unaupa Jamson inn ah saptuam vai a tutkhawmna poimoh takmai neih in om hi. Hiai hun ah unaute tamtak tel in saptuam work plan leh thil poimoh tuamtuam tamtak genkhawm in om hi. Saptuam in tukum sung a na hoih sep diing tampi i gelte uh lohchingtak a sepsuah ahitheihna diing in michih in thumna ah phawkni.

Tukum i budget uh **lakh 9** tung ahihman in thilpiak lam hahpan mahmah ngai diing hi. Kuapeuh kisuk tekni.